

Мал үвлзүллгънд оһьган өгхмн

Яшалтинск района Буденнә нертә колхозин правлень мал үвлзүллгънә белдврин кӧдлмшиг ик сулар кедж. Шовуд бәрх хойр дулан гер ода чигн дуусгдад уга бәәнә. Өдгә цагт шовуд йир уутьхн герт бәәцхәнә. Тер учр деерәс, шовуд ик гарута болн гиджәнә.

Зәрм фермсин гардачнр малин хотиг кемджән угагъар гаргъад йовцхана. Тер дотр ах хӧӧч болдж кӧдлджәх Скринник П., Черныш В., Мова Ф. болн МТФ-н толгъачнр Вдовицкий И. болн Люлька А. малин теджәлиг эзн бишәр эдләд йовцхана. Малин хотиг оданас авн кемджәнкерән угагъар гаргъад йовхла, үвлин дундар малин хот чиләд, малмуд муурад гарута болх зӧвтә. Иим хаджгър йовдлиг цааранднь уурулх кергтә.

Колхозд кӧдлджәх зоотехникүд болн малин эмчнр мал хәләдж йовх улст сән сургъмдж болн гардвр ӧгчәхмн уга.

Кесг дакдж колхозин правлень ах зоотехник үр Морозовд заала. Болв, үр Морозов кергтән авлго бәәнә. Зәрм зоотехникүд ӧбрхн бәәсн фермсүр одхас биш, хол бәәх фермсүр тӧрүц одцхахш. Тер учрар, тенд малмуд ягъдж үвлзүлджәхинь, ягъдж хотхоолинь ӧгчәхинь медцхәхш. Киитрәд, цасн орад, үвл эклчкв. Болв ода күртл эрт хаврар гарсн тугълмудиг йилгъдж, онц гуртд бұрдәджәхмн уга. Эдниг кесг оln газрт

онц-онц бәрәд бәәх керг уга. Фермсин гардачнр болн зоотехникүд ик сулар кӧдлсн учрар, эндү гарад йовна. Үлгүрлхд, ах хӧӧчнр Сергиенко П. болн Мещеряков И. хӧӧдән эврәннь нӧкдтән даалгъчкад, бийснь кесг хонгтан отарурн одлго әрк уугъад кевтцхәнә. Иим йовдл ик хаджгър йовдл гидж санх кергтә. Эдн шалгългънла харгъдж, кесн үүлән даах зӧвтә.

Колхозин правлень, тер дотр энүнә ахлач, мал үвлзүллгънә туск тӧриг кергтән авлго бәәнә. Тегәд колхозин отармудар хәләмдж уга болснд ик эндү гарад йовна. Үлгүрлхд, ах хӧӧч Теплинский С. отарт, энүнә элгн-садна 27 толгъа хӧн болн 4 толгъа яман йовна. Эн элгн-саднанны хӧӧднь сән тӧл ӧгнә. Хӧн болгънас „2-3-д“ хургъд авна. Колхозин хӧӧдәс болхла неджәдчигн хургъд авчәхмн уга. Өдгә цагт әмтнә 800 толгъа хӧд колхозин хӧӧдлә йовна.

Малчнр, хӧӧчнр, саальчнр, гахачнр болн шовучнр дунд культури, политическ болн цәәлгъврин кӧдлмш ик сулар кегдджәнә. Кесг фермсәр радио уга, газет болхла йир оратдж ирнә.

2-ч номертә МТФ-н гардач үр Вдовицкий мал хәләджәх улст дӧнъ-тусан күргджәхмн уга. Ферм тал хая-хая ирнә. Ирхләрн чигн ик дала дӧнъ-тусан ӧгчәхмн уга.

И. М. БАЗЮК,

Соленовск сельсоветин ахлач.